

Domat, ils 14 da november 2019

COMMUNICAZIUN A LAS MEDIAS

Passa 60 uffants fascinads al di dal futur tar l'EMS-CHEMIE

En tut 63 uffants e giuvenils han passentà il di naziunal dal futur tar l'EMS-CHEMIE. Avantmezdi han las scolaras ed ils scolars sustegnì lur geniturs al plaz da lavur. Suentermezdi han els lutegià umets dad LED e resgià tocca da metal per in puzzle da Tetris en il lavuratori, experimentà cun grond tschaffen en il labor ed exercità da manischar il plunader en il magasin da curunas autas.

Il di naziunal dal futur dastgan scolaras e scolars accumpagnar lur mamma u lur bab al plaz da lavur. Els vesan tge ch'ils geniturs fan mintga di e pon gist far sezs pitschnas incumbensas praticas. Durant questa visita emprendan els d'enconuscher meglier la lavur da lur geniturs e survegnan forsa gia in u l'auter impuls per tscherner pli tard la dretga professiun.

Fufragnar tar l'EMS

Cun gronda tensiun e plain mirveglias èn ils 63 uffants vegnids a quest "di da lavur" a Domat sin l'areal da l'EMS. Enstagl da seser sin il banc da scola hai gist giù num "salidar las collegas ed ils collegas da biro", "far copias", "liquidar pendenzas" ubain "ordinar documents". En il labor da perscrutazion han els maschadà colurs per materials sintetics spezials da l'EMS, en la tecnica applitgada han els emplenì la pressa d'injecziun cun granulat da l'EMS ed en la serenera da l'interpresa han els examinà provas d'aua. Uschia è l'avantmezdi passà sco il vent!

Elavurar tocs – manischar il plunader – experimentar

Il suentermezdi han ils uffants pudì far atgnas lavurs praticas en il lavuratori, en il labor ed en la spediziun. Betg mo l'inschign manual, er il pensar tecnic è ussa stà impurtant: Co fatsch jau glischar la lampina dad LED? Co elavur jau or dad in simpel toc da metal in puzzle da Tetris? Pertge fa questa mixtura stgima? Veggiau da manischar il plunader sin millimeters exact? Cun intgins tips e suenter in pèr emprovas han ils uffants dumagnà cun success las incumbensas. Ussa han els stuì buglir, furmar, glimar e fresar il toc elavurà en il lavuratori da metal, ir cun il plunader il pli spert pussaivel tras in labirint en il magasin da curunas autas u examinar flommas en il labor d'emprender. Il scolar Jan Cadosch tragliischa dal plaschair: "Il pli

captivant èsi stà da colurar flommas en il labor d'emprender – sco in vair perscrutader!"

In success cumplain sin via en l'avegnir professiunal!

Cun l'assistenza cumpetenta dals geniturs, dals furmaturi professiunals da l'EMS e dals emprendists da l'EMS han tut ils uffants prendì per maun cun entusiassem las incumbensas e scuvert lur abilitads praticas e lur interess per las scienzas natiralas. Betg da smirvegliar, sche l'ina u l'auter sa già suenter il da dal futur da quest onn vaira exact tge professiun ch'ella u el vul emprender pli tard. Tranter ils collavuraturs ed emprendists da l'EMS actuals datti numnadama era da quels che han fatg ils emprims pass en lur professiun gist durant il di dal futur. L'EMS sco la pli gronda ed innovativa scoladra d'emprendists en la Svizra Sidorientala porscha a partir da l'onn proxim schizunt 15 differentas professiuns d'emprendissadi ed è dacurt vegnida undrada cun il Premi da furmaziun naziunal.

* * * * *

(Fotos auf der Folgeseite)

Fotos:

Fotos d'auta resoluziun pon ins telechargiar via la suandanta colliaziun:
https://www.ems-group.com/ftp/Kommunikation/Zukunftstag_EMS.zip



Cun inschign e diligenza pon ins far or dad ina platta da metal in portafieuters pratic.



Roger Jöhrmann, vicemanader da la serenera, cun sia figlia Anja vi d'analisar provas d'aua en la serenera da l'EMS.



Il manader da la perscrutaziun tar l'EMS Botho Hoffmann cun ses figl Lukas vi da drizzar ina colur per in material sintetic.